



Kopano ya lelapa

African Storybook

Thulisile Shongwe






Re na le kopano ya lelapa.

Ho na le ntate, mmangwane Pula, malome Chavani, Eddie, Attie, nna le nkgono.

Ke nna ya monyenyanane ho bona bohle.



Seyalemoya lapeng leso se bulelwa matsatsi ohle ho tloha hoseng ho fihlela bosiu. Re mamela ditaba ka nako tsohle.

Re utlwile kajeno hore dikolo di tlo bulwa bekeng e tlang.



Dikolo di ne di kwetswe dikgwedikgweni ka lebaka la ho kwalwa ha naha.

“Ba lelapa, re lokela ho nka qeto mabapi le ho kgutlela ha bana dikolong,” ke ntate a qala.



Mmangwane Pula o kgathatsehile. "Ha dikolo di bulwa ho bolela hore batho ba bangata ba tlo tshwaetswa.

Dintho di ka mpefala," ho rialo mmangwane.



“Ke tshaba ho tshwarwa ke bolwetse bona,” ke Attie yeo.

“Ha re emeng dibeke tse pedi re bone hore ho tla etsahalang sekolong. Ha jwale pherekano e sa le ngata.”



Ntate a re, "Ke tshohetse nkgono.


Ha bana ba ka fumana bolwetse bona mme ba bo tliša hae, nkgono o tla ba tšietsing."

Nkgono a oma ka hlooho.



Nkgono o se a tsofetse. O na le lefu la tswekere le la pelo.

Ke tshohile haholo. Ke tshohetse ba lelapa la ka.



Malome Chavani yena a re, “Ke nahana hore bana ba dule hae, ba sireletsehile. Ha re beng butle re shebeng hore na dikolo di malala a laotswe ho ka amohela baithuti.”

Bohle ba dumela, ntle le Eddie.



“Ke lokela ho ya Sekolong se phahameng selemong se tlang.

Ha ke tsebe hore ke tla kgona ho qeta mosebetsi wa sekolo ohle.

Ho ithuta inthaneteng ho a nthatafalla,” ho rialo Eddie.



Ha ke a kgathatseha ka ho salla morao mosebetsing wa sekolo.

Ke kgathatseha ka botho, ka hore re tla phedisana jwang jwale?

Re lokela ke ho tobana le bothata bona mmoho.

—Dipotso

1. Ngola ditlhaloso tsa mantswe ana: tshwaetso, botsofe, thibelo, botho
2. Hlalosa hore ho bolelang ho 'kgathetseha ka botho'.
3. Onahana hore lelapa le nkile qeto efe? Hobaneng?

Pale ena e theilwe dirapotong tsa radiyo ya RX. Radio ena ke ya inthanete ya bana.

Radiyo RX e haswa ho tswa Red Cross War Memorial Children's Hospital Motseng wa Kapa.

RX e thusa bana ho bua dipale ka ditaba tse ba amang tse bohlokwa ho bona.

[Ketelo seyalemoyeng sa RX](#)



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



Your attribution should include the following:

Title: Kopano ya Ielapa

Author/s: African Storybook

Translator/s: Maria Vaz

Illustrator/s: Thulisile Shongwe


Assurer/s: Nthabiseng Tsatsi, Mathapelo Morake

Language: Sesotho (South Africa)



© Zenex Foundation - Saide 2023

CC BY includes the following elements:

BY  - Credit must be given to the creator

